

АЗБУКА ВЕРЫ



МОЛИТВЫ О ВОИНАХ

Молитвослов 2023

Молитвы о войнах

- [О даровании мужества](#)
 - [Великомученику Георгию Победоносцу](#)
 - [Священномученику Ермогену, патриарху Московскому](#)
 - [Мученику Иоанну Воину](#)
 - [Св. благоверному князю Александру Невскому](#)
 - [Преподобному Сергию Радонежскому](#)
- [О даровании победы в сражении](#)
- [О победе на море](#)
 - [Апостолу Андрею Первозванному](#)
 - [Святителю Николаю Чудотворцу](#)
 - [Молитва блгв. кн. Александра Невского перед Невской битвой](#)
- [О сохранении жизни на поле брани](#)
 - [Ко Пресвятой Богородице](#)
 - [Св. Архистратигу Божию Михаилу](#)
 - [Великомученику Георгию Победоносцу](#)
 - [Пред иконой Божией Матери «Взыскание погибших»](#)
 - [Пред иконой Божией Матери «Покров Пресвятой Богородицы»](#)
- [О раненных](#)
 - [Ко Господу](#)
 - [Матере ко Пресвятей Богородице](#)
- [Об избавлении от плена](#)
 - [Ко Пресвятей Богородице](#)
 - [Ко святым](#)
 - [Святителю Николаю Чудотворцу](#)
 - [Святому великомученику Димитрию Солунскому](#)
 - [Пред иконой Божией Матери «Покров Пресвятой Богородицы»](#)
 - [Пред иконой Божией Матери «Умягчение злых сердец»](#)
 - [Пред иконой Божией Матери «Всех скорбящих Радость»](#)
 - [Пред иконой Божией Матери «Смоленская» \(«Одигитрия»\)](#)
- [О войнах, без вести пропавших](#)
 - [Ко Пресвятей Богородице](#)
- [Об успехе в ратном деле](#)
 - [Святому благоверному князю Александру Невскому](#)

О даровании [мужества](#)

Великомученику Георгию Победоносцу



Святѣй, сла́вный и всехва́льный великомучениче Христовъ [Георгие](#)! Собранныи во хра́ме твоём и пред ико́ною твоёю свято́ю покланя́ющиися лю́дие мо́лим тя, извѣстный желáния нáшего ходáтаю: моли́ с нáми и о нáс умоля́емаго от Своегó благосер́дия Бóга, да мило́стиво услы́шит нáс, прося́щих Егó благо́стыню (*именá*), и не оста́вит вся́ нáша ко спасéнию и жити́ю нýжная про́шения, и да укрепíт же дáнною тебé благодáтию во бранéх правосла́вное во́инство, и сýлы возста́ющих вра́г нáших да низложíт, да постыд́ятся и посра́мятся, и дерзость íх да сокруш́ится, и да увéдят, я́ко мы́ íмамы Божéственную пóмощь: и все́м в скóрби и обстоя́нии сýщим много́мощное яви́ твоё заступле́ние: умоли́ Гóспода Бóга, всея́ твáри Создáтеля, изба́вити нáс от вéчнаго мучéния, да всегдá прославля́ем Отцá и Сы́на и Свята́го Дýха, и твоё исповéдуем предстáтельство, ны́не и прýсно и во вéки веко́в.

* * *

Священномученику [Ермогену, патриарху Московскому](#)




О, вели́кий уго́днике Христовъ, святителю́ óтче нáш [Ермогéне](#)! К тебé, моли́твеннику тёплому и предстáтелю пред Бóгом непосты́дному, усер́дно притека́ем, в нýждах и скóрбех нáших утешéния и пóмощи прося́ще. В дрéвнюю годíну искуш́ений, внегдá обыше́дше обыдо́ша

страну нашу нечестивии врази, Господь яви тя Церкви Своей столпа непоколебима и людем российским пастыря добра, душу свою за овцы положивша и лютыя волки далече отгнавша. Ныне убо призри и на ны, недостойныя чада твоя (именá), умиленною душею и сокрушенным сердцем тебе призывающия. Крепость бо наша в нас оскуде и вражия ловления и сети обыдоша нас. Помози нам, заступниче наш! Утверди нас в вере святей: научи нас всегда творити заповеди Божия и вся предания церковная, от отец нам заповеданная. Пастырем нашим буди архипастырь, воином вождь духовный, болящим врач, печальным утешитель, гонимым заступник, юным наставник, всем же благосердный отец и за вся теплый молитвенник яко да молитвами твоими ограждаеми, непрестанно воспоём и прославим всесвятое имя Живоначальныя Троицы, Отца и Сына и Святаго Духа во веки веков. Аминь!

* * *


Мученику Иоанну Воину



О, великий Христов мучениче [Иоанне](#), православных поборниче, врагов прогонителю и обидимых заступниче! Услыши нас, в бедах и скорбех молящихся тебе, яко дана тебе бысть благодать от Бога печальныя утешати, немощным помогати, неповинныя от напрасныя смерти избавляти и за всех зле страждущих молитися. Буди убо и нам поборник крепок на вся видимыя и невидимыя враги наша, яко да твоєю помощию и поборством по нас посрамятся вси являющии нам злая. Умоли Господа нашего, да сподобит ны, грешныя и недостойныя рабы Своя (именá), получитьи от Него неизреченная благая, яже уготова любящим Его, в Троице Святей славимаго Бога, всегда, ныне и присно и во веки веков. Аминь!

* * *


Святому благоверному князю Александру Невскому



Скóрый помощниче всѣх усѣрдно к тебе прибегающих и тёплый наш пред Господом предстателю, святы́й благове́рный вели́кий кня́же [Алекса́ндре!](#) При́зри ми́лостиво на мя недостóйнаго, мно́гими беззако́нии непотре́бна себѣ сотво́ршаго раба́ твоего́ (*и́мя*), к ра́це моще́й твои́х (ко святе́й ико́не твое́й) ны́не притека́юща и из глубины́ се́рдца к тебе́ взыва́юща. Ты́ в жити́и твое́м ревни́тель и защи́тник правосла́вныя ве́ры бы́л еси́: и на́с в не́й тёплыми твои́ми к Бо́гу моли́твами непоколеби́мы утверди́. Ты́ вели́кое возложе́нное на тя́ служе́ние тща́тельно проходи́л еси́: и на́с твое́ю по́мощию пребыва́ти коего́ждо, в не́же при́зван е́сть, наста́ви. Ты́, победи́в полки́ супоста́та, от преде́лов Росси́йских того́ отгна́л еси́: и на́с ополча́ющихся всѣх ви́димых и неви́димых враго́в низложи́. Ты́, оста́вив тле́нный вене́ц ца́рства земна́го, избра́л еси́ безмо́лвное жити́е, и ны́не пра́ведно венце́м нетле́нным увенча́нный на небесе́х ца́рствуеши: исходата́йствуй и на́м, смире́нно мо́лим тя́, жити́е ти́хое и безмяте́жное, и к ве́чному Ца́рствию ше́ствие неукло́нное твои́м предстате́льством устрои́ на́м. Предсто́я же со все́ми святы́ми престóлу Бо́жию, моли́ся о всѣх правосла́вных христиа́нех, да сохрани́т их Госпо́дь Бо́г Свое́ю благода́тию в ми́ре, здра́вии, долгоде́нствии и вся́ком благополу́чии в должáйшая ле́та, да при́сно сла́вим и благослови́м Бо́га в Трои́це Святе́й сла́вимаго, Отца́ и Сы́на и Свята́го Ду́ха, ны́не и при́сно и во ве́ки веко́в.

* * *

Преподобному Сергию Радонежскому



О, священная главо, преподобне и богоносне отче наш [Сэргие](#), моли́твою твоёю, и ве́рою и любóвию яже к Бо́гу, и чистото́ю се́рдца, ещё на землі во обитель Пресвяты́я Трои́цы ду́шу твою́ устрои́вый, и а́нгельскаго общенія и Пресвяты́я Богороди́цы посещенія сподобивы́йся, и да́р чудодéйственныя благодати́ приéмый, по отшэствии же твоём от земных наипаче к Бо́гу приближивы́йся и небесныя си́лы приобщивы́йся, но и от нас ду́хом любве́ твоея́ не отступивы́й, и честны́я твоя́ мо́щи, яко́ сосу́д благодати́ по́лный и преизлива́ющийся, на́м оста́вивы́й! Ве́лие имéя дерзнове́ние ко всеми́лостивому Влады́це, моли́ спасти́ рабы́ Его́ (*именá*), су́щей в тебе́ благодати́ Его́ ве́рующия и к тебе́ с любóвию притека́ющия: испроси́ на́м от великодаровитаго Бо́га на́шего всякий да́р, все́м и коему́ждо благопотре́бен, ве́ры непоро́чны соблюде́ние, градо́в на́ших утвержде́ние, ми́ра умире́ние, от гла́да и па́губы избавле́ние, от нашэствия иноплеме́нных сохране́ние, скорбя́щим утеше́ние, недугующим исцеле́ние, па́дшим возставле́ние, заблужда́ющим на пу́ть и́стины и спасе́ния возвраще́ние, подви́зующимся укрепле́ние, благоде́лающим в дела́х благи́х преспе́яние и благослове́ние, младе́нцем воспита́ние, ю́ным наставле́ние, неве́дущим вразумле́ние, сирота́м и вдови́цам заступле́ние, отходя́щим от сегó вре́меннаго жити́я к ве́чному благо́е уготовле́ние и напу́тствие, отшэдшим блаже́нное упоко́ение, и вся ны́ споспешеству́ющими твои́ми моли́твами сподоби́ в де́нь стра́шнаго суда́ шу́ия ча́сти изба́виться, десны́я же страны́ о́бщники бы́ти и блаже́нный о́ный глас Влады́ки Христа́ услы́шати: прииди́те, благослове́ннии Отца́ Моего́, насле́дуйте уготованное ва́м ца́рствие от сложе́ния ми́ра.

* * *


О даровании победы в сражении

Да воскреснет Бо́г и расточа́тся врази́ Его́, и да бежа́т от лица́ Его́ ненави́дящие Его́. Яко́ исчеза́ет дым, да исчеза́ют; яко́ та́ет во́ск от лица́ огня́, та́ко да поги́бнут греше́нницы от лица́ Бо́жия, а пра́ведницы да возвеселя́тся. Господь Бо́г благослове́н, поспеши́т на́м Бо́г спасе́ний на́ших. Дивен Бо́г во святы́х Свои́х, Бо́г Израи́лев, Той да́ст си́лу и держа́ву лю́дем Свои́м.

* * *

О победе на море


Апостолу Андрею Первозванному



Первозванне апостоле Бóга и Спáса нáшего Иисúса Христá, Цérкве послéдователю верховный, всехвáльне [Андрéе!](#) Слáвим и величáем апóстольския труды твоя, слáдце поминáем твоё благословénное к нáм пришéствие, ублажáем честнáя страдáния твоя, яже за Христá претерпéл еси, лобызáем священныя мóщи твоя, чтím святую пáмять твою и вéруем, я́ко жив Госпóдь, жива же и душа́ твоя, и с Нím во вéки на небесí пребывáеши, идéже и нáс любóвию твоёю не оставлáеши, я́коже возлюбил еси́ отцы́ нáша, егда́ Дúхом Святы́м прозрél еси́ земли́ нáша ко Христú обращéние. Вéруем же, я́ко мóлиши и о нáс Бóга, зря во свéте Егó вся́ нúжды нáша. Тáко сию́ вéру нáшу во хрáме Твоём исповéдуем, и Гóспода и Бóга и Спáса нáшего Иисúса Христá мóлим, да молítвами твоими́ подáст нáм (*именá*) вся́ потребнáя ко спасéнию нáс грéшных; да я́коже ты́ áбие по глáсу Гóспода остáвь мрéжи твоя́, неуклóнно Тому́ послéдовал еси́, сiце и кийждо от нáс не своих да и́щет, но éже к созидáнию блíжняго, и о гóрнем звáнии да помышлáет. Имúще же ты́ предстáтеля и молítвенника о нáс, уповáем, я́ко молítва твоя́ мно́го мóжет пред Гóсподем и Спасítелем нáшим Иисúсом Христóм, Емúже подобáет всякáя слáва, чéсть и поклонéние со Отцём и Святы́м Дúхом во вéки векóв. Амíнь.

* * *

Святителю Николаю Чудотворцу



О, добрый наш пастырю и богомудрый наставниче, святителю Христов [Николае](#)! Услыши нас грешных (*именá*), молящихся тебе и призывающих в помощь скорое предстательство твоё: виждь нас немощных, отсюду уловляемых, всякого блага лишенных и умом от малодушия помраченных. Потщися, угодниче Божий, не оставите нас в греховном плену быти, да не будем в радость врагом нашим и не умрем в лукавых деяниях наших. Моли о нас недостойных Содетеля нашего и Владыку, Ему же ты со безплотными лики предстоиши: милостива к нам сотвори Бога нашего в нынешнем житии и в будущем веце, да не воздаст нам по делом нашим и по нечистоте сердец наших, но по Своей благодости воздаст нам. На твоё бо ходатайство уповающе, твоим предстательством хвалимся, твое заступление на помощь призываем, и ко пресвятому образу твоему припадающе, помощи просим: избави нас, угодниче Христов, от зол находящихся на нас, да ради святых твоих молитв не обымет нас напасть и не погрязнем в пучине греховней и в тине страстей наших. Моли, святителю Христов Николае, Христа Бога нашего, да подаст нам мирное житие и оставление грехов, душам же нашим спасение и велию милость, ныне и присно и во веки веков.

* * *

Молитва блгв. кн. [Александра Невского](#) перед Невской битвой

Боже хвальный и праведный, Боже великий и крепкий, Боже превечный, сотворивый небо и землю и поставивый пределы языков, и жити им повелевый, не преступая в чужие части, и давый рабom Своим упование – превечное Твое Слово, во еже не бояться малому стаду от убивающих тело; милосердия же ради неизреченных милости Твоея, послал еси единороднаго Сына Твоего на спасение и избавление рода человеча. И ныне, Владыко прещедрый, слыши словеса варвара сего, прегордо хвалящагося разорити святую Твою Церковь, и потребити веру Православную, и пролияти кровь христианскую: призри с небес и виждь и посети виноград Свой, суди обидящим мя и возбрани борющимся со мною; прими оружие и щит и стани в помощь мне, да не рекут врази наши: где есть Бог их? Ты бо еси Бог наш и на Тя уповаем, и Тебе славу возсылаем, Отцу, и Сыну, и Святому Духу, ныне и присно, и во веки веков. Аминь.

* * *

О сохранении жизни на поле брани

Ко Пресвятой Богородице



Мáти Бóжия! Сохрани́ мя под покрóвом Тво́йм. Ами́нь.

* * *

Ко Пресвятей Богородице о войнах, на поле брани сущих

Молитва утверждена на заседании Священного Синода 29 декабря 2022 года (журнал № 131)

Пресвятая Богородице, теплая наша Заступнице и Спасение всем, призывающим Тя! Не имамы иныя помощи, разве Тебе, Владычице, Ты бо еси едина надежда и упование наше. Не презри слез наших и не отрини усердных молений, но спаси от смерти и от бед сохрани воинов наших [имярек], на поле брани сущих. Укрепи их дух, утверди в заповедех Сына Твоего, умножи в них веру, просвети ум, даждь мужество во бранех, да, непорочно исполнивше ратное служение, целы и невредимы возвратятся в дома своя и прославят пресвятое имя Отца и Сына и Святаго Духа и Твое милостивное заступление. Аминь.

* * *


Матере ко Пресвятей Богородице о войне, на поле брани сущем

Молитва утверждена на заседании Священного Синода 29 декабря 2022 года (журнал № 131)

К кому возопию, Владычице, кому повем скорбь сердца моего, аще не Тебе, Царице Милосердая? Душа моя смятется и уны дух мой, но скоро услыши молитву мою, веру укрепи, терпением огради и благою надеждою оживи. Пресвятая Богородице, Дево Чистая! Заступи, сохрани, покрый милостию Твоею чадо мое, война [имярек], на поле брани сущаго, утверди его в вере истинней, огради от злобы врагов видимых и невидимых, сохрани его цела и невредима, подаждь силу ратное свое служение, яко крест, безпорочно понести и паки его в дом отчий возврати. Аминь.

* * *

Св. Архистратигу Божию Михаилу



О, святы́й [Миха́йле Арха́нгеле](#), поми́луй на́с, грѣшных, трѣбующих твоего́ заступле́ния, сохрани́ на́с, рабо́в Бо́жиих (*имена́*), от все́х ви́димых и неви́димых вра́г, па́че же подкрепи́ от у́жаса сме́ртнаго и от смущѣ́ния диаво́льскаго, и сподо́би на́с непосты́дно предста́ти Созда́телю на́шему в ча́с стра́шнаго и пра́веднаго Суда́ Его́. О, всесвяты́й, вели́кий Миха́йле Архистрати́же! Не прѣзри на́с, грѣшных, моля́щихся тебѣ́ о по́мощи и заступле́нии твоѣ́м в ве́це се́м и бу́дущем, но сподо́би на́с та́мо кúпно с тобо́ю сла́вити Отца́ и Сы́на и Свята́го Ду́ха во ве́ки веко́в. Ами́нь.

* * *

Великомученику Георгию Победоносцу



Святы́й, сла́вный и всехва́льный великомучени́че Христо́в Гео́ргие! Со́бранныи во хра́ме твоѣ́м и пред ико́ною твоѣ́ю свято́ю покланя́ющися лю́дие мо́лим тя́, изве́стный желáния на́шего ходáтаю: моли́ с на́ми и о на́с умоля́емаго от Своего́ благосе́рдия Бо́га, да ми́лостиво услы́шит

нас, просящих Его благостию (*именá*), и не оставит вся наша ко спасению и житию нужная прошения, и да укрепит же данною тебе благодатию во бранех православное воинство, и силы возстающих враг наших да низложит, да постыдятся и посрамятся, и дерзость их да сокрушится, и да уведят, яко мы имамы Божественную помощь: и всем в скорби и обстоянии сущим многомощное яви твое заступление: умоли Господа Бога, всея твари Создателя, избавити нас от вечнаго мучения, да всегда прославляем Отца и Сына и Святаго Духа, и твое исповедуем предстательство, ныне и присно и во веки веков.

* * *

Молитва пред [иконой](#) Божией Матери [«Взыскание погибших»](#)



Заступнице усердная, благоутробная [Господа Мати](#), к Тебе прибегаю аз окаянный и паче всех человек грешнейший; вонми гласу моления моего, и вопль мой и стенание услыши. Яко беззакония моя превзыдоша главу мою, и аз, якоже корабль в пучине, погружаюсь в море грехов моих. Но Ты, всеблагая и милосердая Владычице, не презри мене отчаяннаго и во гресех погибающаго; помилуй мя, кающагося во злых делах моих, и обрати на путь правый заблудшую, окаянную душу мою. На Тебе, Владычице моя Богородице, возлагаю все упование мое. Ты, Мати Божия, сохрани и соблюди мя под кровом Твоим, ныне и присно и во веки веков. Аминь.

* * *

Молитва пред [иконой](#) Божией Матери [«Покров Пресвятой Богородицы»](#)



О, Пресвятая Деве, Мати Господа Вышних Сил, Небес и земли Царице, града и страны наша всемогущая Заступнице! Приими хвалебно-благодарственное пение сие от нас, недостойных раб Твоих, и вознеси молитвы наша ко Престолу Бога Сына Твоего, да милостив будет неправдам нашим и пробавит благодать Свою чтущим всечестное имя Твое и с верою и любовью поклоняющимся чудотворному образу Твоему. Несмы бо достойни от Него помиловани быти, аще не Ты умилостивиши Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненной и скорей Заступнице нашей: услыши нас, молящихся Тебе, осени нас вседержавным покровом Твоим и испроси у Бога Сына Твоего пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание: всем же нам дух разума и благочестия, дух милосердия и кротости, дух чистоты и правды. Ей, Госпоже Пресвятая, умилосердися на немощныя люди Твоя; разсѣяныя собери, заблуждшия на путь правый настави, старость поддержи, юныя уцеломудри, младенцы воспитай и призри на всех нас призрением милостиваго Твоего заступления; воздвигни нас из глубины греховныя и просвети сердечныя очи наша ко зрению спасения; милостива нам буди зде и тамо, в стране земнаго пришельствия и на Страшном суде Сына Твоего; преставльшия же в вере и покаянии от жития сего отцы и братию нашу в вѣчной жизни со Ангелы и со всеми святыми жити сотвори. Ты бо еси, Госпоже, Слава небесных и Упование земных, Ты по Бозе наша Надежда и Заступнице всех притекающих к Тебе с верою. К Тебе убо молимся и Тебе, яко Всемогущей Помощнице, сами себе и друг друга и весь живот наш предаем, ныне и присно, и во веки веков. Аминь.

* * *

О раненных

Ко Господу о войне, на поле брани ураненном

Молитва утверждена на заседании Священного Синода 29 декабря 2022 года (журнал № 131)

Господи, Иисусе Христе Боже наш, молитвами Всепречистыя Владычицы нашей Богородицы и Приснодевы Марии, силою честнаго и животворящаго Креста, предстательством честных небесных Сил бесплотных, святых врачей и целителей: апостола и евангелиста Луки, святых

чудотворцев и безсребренников Кира и Иоанна, Космы и Дамиана, святого великомученика Пантелеимона и учителя его Ермолая, преподобного Агапита Печерского, святителя земли Крымския и исповедника Луки, исцели воина Твоего [имярек], на поле брани ранами уязвленного, утешь его надеждою на Тя и верою Православною укрепи. Услыши, Господи Человеколюбче, воздыхания сродник его. Да, восстав от одра болезни, послужит и поработает Тебе до скончания жизни своей и прославит Тя, исцеляющего и врачующаго вся, со Отцем и Святым Духом. Аминь.

* * *

Матере ко Пресвятей Богородице о исцелении воина, на поле брани ураненнаго

Молитва утверждена на заседании Священного Синода 29 декабря 2022 года (журнал № 131)

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой слезный и воздыхание мое примет, аще не Ты, Мати Божия, Заступнице и Прибежище во всех бедах нам грешным? Услыши вопль мой, Всемилосердая Целительнице, яко умножишася скорби сердца моего, и яви милость Свою на одре болезни возлежащему и раною уязвленному, чаду моему воину [имярек], исцели его тяжкия душевныя и телесныя болезни, и воздвигни от одра немощи цела и всесовершенна, да воспеваает Твое теплое заступление. Аминь.

* * *

Об избавлении от плена

Матере (сродников) ко Пресвятей Богородице о избавлении воинов, в пленении сущих

Молитва утверждена на заседании Священного Синода 29 декабря 2022 года (журнал № 131)

О, Всепетая Богородице, всех скорбящих Радосте и обидимых Заступнице! Услыши молитву мою, прошения моего не отрини и помилуй чадо мое (отца моего, мужа моего), воина [имярек] в пленении сущаго! Сохрани его цела и невредима, огради его от злобы пленивших его и не даждь ему убиену быти от рук их, веру истинную в нем укрепи и скоро тяжкаго пленения избави, да в разуме воспеваает Тя, Царице Небесная, и Сына Твоего, Господа нашего Иисуса Христа, со Безначальным Его Отцем и Пресвятым и Благим и Животворящим Его Духом во веки веков. Аминь.

* * *


Ко святым о избавлении воинов [воина], в пленении сущих [сущем]

Молитва утверждена на заседании Священного Синода 29 декабря 2022 года (журнал № 131)

Преблаженнии и богоноснии избранницы Христовы: многосветлая звездо, Крестителю и Предтече Спасов Иоанне; святителю предивный и милостивый, великий чудотворче Николае; святой великомучениче и скорый плененных свободителю, Победоносче Георгие; великая в женах Анастасие Узорешительнице и вси святии! Молим вас мы, недостойнии: укрепите воинов [воина] [имярек], в пленении сущих [сущаго], от уз вражиих их [его] избавите, всякаго злаго обстояния свободите и на спасения стези направите, да, в дома своя возвратившися,

прославят [дом свой возвратився, прославит] Истиннаго Бога, Отца и Сына и Святаго Духа и ваше милостивое предстательство во веки веков. Аминь.

Святителю Николаю Чудотворцу



О, добрый наш пастырю и богомудрый наставниче, святителю Христов [Николае](#)! Услыши нас грешных (*имена*), молящихся тебе и призывающих в помощь скорое предстательство твоё: виждь нас немощных, отсюду уловляемых, всякого блага лишенных и умом от малодушия помраченных. Потщися, угодниче Божий, не оставите нас в греховном плену быти, да не будем в радость врагом нашим и не умрем в лукавых деяниях наших. Моли о нас недостойных Содетеля нашего и Владыку, Ему же ты со безплотными лики предстоиши: милостива к нам сотвори Бога нашего в нынешнем житии и в будущем веце, да не воздаст нам по делом нашим и по нечистоте сердец наших, но по Своей благости воздаст нам. На твоё бо ходатайство уповающе, твоим предстательством хвалимся, твое заступление на помощь призываем, и ко пресвятому образу твоему припадающе, помощи просим: избави нас, угодниче Христов, от зол находящих на нас, да ради святых твоих молитв не обымет нас напасть и не погрязнем в пучине греховней и в тине страстей наших. Моли, святителю Христов Николае, Христа Бога нашего, да подаст нам мирное житие и оставление грехов, душам же нашим спасение и велию милость, ныне и присно и во веки веков.

Святому великомученику Димитрию Солунскому



Святы́й и сла́вный великомученице Хри́стов [Димі́трие](#), ско́рый помо́щниче и те́плый засту́пниче с ве́рою притека́ющих к тебе́! Предсто́я со дерзнове́нием Небе́сному Царю́, испроси́ у Него́ проше́ния согреше́ний на́ших, и о е́же изба́виться на́м от всегуби́тельныя я́звы, тру́са, пото́па, огня́, мечá и ве́чныя ка́зни: моли́ благода́ть Его́, е́же ущедри́ти град се́й, (обите́ль сию́) и вся́кую страну́ христиа́нскую: исхода́тайствуй у Царя́ ца́рствующих на враги́ побéду и одоле́ние, ми́р, тишину́, твёрдость в ве́ре и преспе́яние во благоче́стии: на́м же, чту́щим честну́ю па́мять твою́ (*имена́*), испроси́ благода́тное укрепле́ние на дела́ благо́я, да благоуго́дное Влады́це на́шему Хри́сту Бо́гу здéтворя́ще, сподо́бимся моли́твами твои́ми насле́довати Ца́рствие Небе́сное и та́мо прославля́ти Его́, со Отце́м и Святы́м Ду́хом, во ве́ки веко́в.

* * *

Молитва пред иконой Божией Матери [«Покров Пресвятой Богородицы»](#)



О, Пресвятáя Дéво, Мáти Гóспода Вы́шних Си́л, Небесé и земли́ Цари́це, гра́да и страны́ на́шей всемо́щная Засту́пнице! Приими́ хвале́бно-благодáрственное пéние сие́ от на́с, недостóйных ра́б

Твоих, и вознеси молитвы наша ко Престолу Бога Сына Твоего, да милостив будет неправдам нашим и пробавит благодать Свою чтущим всечестное имя Твое и с верою и любовью поклоняющимся чудотворному образу Твоему. Несмы бо достойни от Него помиловани быти, аще не Ты умилостивиши Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненной и скорей Заступнице нашей: услыши нас, молящихся Тебе, осени нас вседержавным покровом Твоим и испроси у Бога Сына Твоего пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание: всем же нам дух разума и благочестия, дух милосердия и кротости, дух чистоты и правды. Ей, Госпоже Пресвятая, умилосердися на немощныя люди Твоя; разсѣянных собери, заблудшия на путь правый настави, старость поддержи, юныя уцеломудри, младенцы воспитай и призри на всех нас призрением милостиваго Твоего заступления; воздвигни нас из глубины греховных и просвети сердечныя очи наша ко зрению спасения; милостива нам буди зде и тамо, в стране земнаго пришельствия и на Страшном суде Сына Твоего; преставльшия же в вере и покаянии от жития сего отцы и братию нашу в вѣчной жизни со Ангелы и со всеми святыми жити сотвори. Ты бо еси, Госпоже, Слава небесных и Упование земных, Ты по Бозе наша Надежда и Заступнице всех притекающих к Тебе с верою. К Тебе убо молимся и Тебе, яко Всемогущей Помощнице, сами себе и друг друга и весь живот наш предаем, ныне и присно, и во веки веков. Аминь.

* * *

Молитва пред иконой Божией Матери [«Умягчение злых сердец»](#)



О, многострадальная Мати Божия, Превысшая всех дщерей земли, по чистоте Своей и по множеству страданий, Тобою на земли перенесенных, прими многоболзненные воздыхания наша и сохрани нас под кровом Твоей милости. Иного бо прибежища и теплаго предстательства разве Тебе не вемы, но, яко дерзновение имущая ко Иже из Тебе рожденному, помози и спаси ны молитвами Своими, да непреткновенно достигнем Царствия Небеснаго, идеже со всеми святыми будем воспевати в Троице Единому Богу ныне и присно, и во веки веков. Аминь.

* * *

Молитва пред иконой Божией Матери [«Всех скорбящих Радость»](#)



О, Пресвятая Владычице Богородице, преблагословенная Мати Христа Бога, Спасителя нашего, всех скорбящих радости, больных посещение, немощных покрове и заступнице, вдовиц и сирых покровительнице, матерей печальных всенадежная утешительнице, младенцев немощных крепосте, и всем беспомощным всегда готовая помощи и верное прибежище! Тебе, о Всемилостивая, дадеся от Всевышняго благодать во еже всех заступати и избавляти от скорбей и болезней, зане Сама лютыя скорби и болезни претерпела еси, взираючи на вольное страдание Сына Твоего возлюбленного и Того на кресте распинаема зрящи, егда оружие, Симеоном предреченное, сердце Твое пройде: темже убо, о Мати чадолюбивая, вонми гласу моления нашего, утеши нас в скорби сущих, яко верная радости ходатаица. Предстоящи престолу Пресвятыя Троицы, одесную Сына Твоего, Христа Бога нашего, можеши, аще восхощеши, вся нам полезная испросити: ради с верою сердечною и любовью припадаем к Тебе, яко Царице и Владычице: слыши дщи, и виждь, и приклони ухо Твое, услыши моление наше и избави нас от обстоящих бед и скорбей: Ты бо Радосте всех верных, яко мир и утешение подаеши. Се зриши беду нашу и скорбь: яви нам милость Твою, послй утешение уязвленному печалию сердцу нашему, покажи и удивй на нас грешных богатство милосердия Твоего, подаждь нам слезы покаяния ко очищению грехов наших и утолению гнева Божия, да с чистым сердцем, совестию благою и надеждою несумненною прибегаем ко Твоему ходатайству и заступлению. Приими, Всемилостивая наша Владычице Богородице, усердное моление наше Тебе приносимое, и не отрини нас недостойных от Твоего благосердия, но подаждь нам избавление от скорби и болезни, защити нас от всякаго навета вражия и клеветы человеческия, буди нам помощница неотступная во вся дни жизни нашея, яко да под Твоим матерним покровом всегда пребудем цели и сохранени Твоим заступлением и молитвами к Сыну Твоему и Богу Спасителю нашему, Ему же подобает всякая слава, честь и поклонение, со безначальным Его Отцем и Святым Духом, ныне и присно и во веки веков. Аминь.

* * *

Молитва пред иконой Божией Матери [«Смоленская» \(«Одигитрия»\)](#)



О, пречудная и превышшая всех тварей Царице Богородице, небеснаго Царя Христа Бóга нашего Мати, пресвятая Одигитрие Марие! Услыши ны, грешныя и недостойныя, в час сей пред пречистым образом Твоим припадающия, и сиче умильно глаголющия: изведи нас от рова страстей, Одигитрие благая, избави нас от всякия скорби и печали, оградь от всякия напасти и злых клевет и от неправеднаго навета вражия: можеш бо, о благодатная Мати наша, не точию от всякаго зла сохранить люди Твоя, но и всяким благодеянием снабдити и спасти: разве бо Тебе инья предстательницы в бедах и обстояниях и теплыя ходатаицы о нас грешных к Сыну Твоему, Христу Бóгу нашему, не имамы: Егóже умоли, Владычице, спасти нас и Царствия Небеснаго сподобити, да спасеннии Тобою славим Тя и в будущем веце, якоже спасения нашего виновницу, и превозносим всесвятое и великолепое имя Отца и Сына и Святаго Духа, в Троице славиимаго и поклоняемаго Бóга, во веки веков. Аминь.

* * *

О воинах, без вести пропавших

Ко Пресвятей Богородице

Молитва утверждена на заседании Священного Синода 29 декабря 2022 года (журнал № 131)

О, Всвятая Владычице Богородице, Взыскание погибших, странных Питательнице и заблуждших Путеводительнице! Воина [имярек], о немже не имамы извещения покрый честным Твоим омофором, сохрани от всех напастей вражиих, избави пленения и лютыя смерти, от отчаяния огради, да с благодарением и любовью воспевает Твое теплое заступление. Аминь.

* * *

Об успехе в ратном деле

Святому благоверному князю Александру Невскому



Скóрый помóщниче всéх усéрдно к тебе прибегающих и тёплый наш пред Гóсподом предстáтелю, святы́й благове́рный великий княже [Алекса́ндре!](#) При́зри ми́лостиво на мя недостóйнаго, мно́гими беззакóнии непотрѣбна себѣ сотво́ршаго раба́ твоего́ (*у́мя*), к ра́це мо́щей твои́х (ко святе́й ико́не твое́й) ны́не притека́юща и из глубины́ се́рдца к тебе́ взыва́юща. Ты́ в житии́ твоём ревно́итель и защи́тник правосла́вныя ве́ры бы́л еси́: и на́с в не́й тёплыми твои́ми к Бо́гу моли́твами непоколеби́мы утверди́. Ты́ вели́кое возложе́нное на тя́ служе́ние тща́тельно проходи́л еси́: и на́с твое́ю по́мощию пребыва́ти коегóждо, в не́же при́зван е́сть, наста́ви. Ты́, победи́в полки́ супоста́та, от преде́лов Росси́йских того́ отгна́л еси́: и на на́с ополча́ющихся всéх ви́димых и неви́димых враго́в низложи́. Ты́, оста́вив тле́нный вене́ц ца́рства земна́го, избра́л еси́ безмо́лвное жити́е, и ны́не пра́ведно венце́м нетле́нным увенча́нный на небесе́х ца́рствуеши: исходата́йствуй и на́м, смире́нно мо́лим тя́, жити́е ти́хое и безмяте́жное, и к ве́чному Ца́рствию шестви́е неукло́нное твои́м предстáтельством устрои́ на́м. Предсто́я же со все́ми святы́ми престóлу Бо́жию, моли́ся о всéх правосла́вных христиа́нех, да сохрани́т их Госпо́дь Бо́г Своёю благода́тию в ми́ре, здра́вии, долгоде́нствии и вся́ком благополú́чии в должáйшая léта, да при́сно сла́вим и благослови́м Бо́га в Трои́це Святе́й сла́вимаго, Отца́ и Сы́на и Свята́го Ду́ха, ны́не и при́сно и во ве́ки веко́в.